

臺灣文獻匯刊

■ 陳支平 主編

第四輯

第十三冊

◎◎ 九州出版社
◎◎ 廈門大學出版社

臺灣文獻匯刊

第四輯 ◎ 第十三冊

二勿齋文集
西霞文鈔（一）


◎◎九州出版社
◎廈門大學出版社

二勿齋文集

謝金鑾撰

《二勿齋文集》，六卷首一卷，謝金鑾撰，道光十六年（1836年）刊本。謝金鑾（1757—1820年），字巨廷，又字退谷，侯官人，乾隆五十三年（1788年）舉人，歷任廣文、邵武、嘉義、安溪等處教諭。爲文切實，不尚浮誇。集中收錄散文、詩歌，並附像贊、題辭等，其中有關臺灣的記載，可補他書之缺。


二
勿
齋
文
集



二勿齋文集

二勿齋文集

二勿齋文集



首戴天足履地浩然於兩大之間者其
氣愛君子以德愛小人以利怒然不得
行者其志準聖賢以立言本忠信以制
事凜焉孳孳而日憂其學之未至化慷
慨為從容納中和於仁義惟沈潛以服
膺殆庶幾乎斯詣

癸酉孟冬自題

像贊

總督武陵趙文恪公題

不朽維三其原則一成已成物根歸篤實肅肅謝君敦尙樸
學終老儒官厥修罔覺我來茲邦爰度爰諏載尋緒論治法
昆求如醫洞垣如溺濟舟教諭諄諄洪鐘振響譬彼呻吟其
詰無爽發蒙警瞶人師欽仰閩學之興於宋爲盛亦越
熙朝道貫至聖文貞文勤明良交慶君司其鐸後先輝映遺
編既勒祀典攸崇扶世翼教砥行淑躬疇爲德鄰六亭與同
一生知己千秋領宮匪我能私士林所望樹之楷模以端習
尚用告後來寓辭圖像作儒之宗爲人之樣

二勿齋文集

道光癸未春余蒞閩見退谷學博所著泉章治法論亟
展布以風示同寮後又索得教諭語讀之深佩其淑身範
世之學繼軌先賢有合歿祭於社之義越歲甲申夏檄邑
令學官採事實以上與鄭教授六亭並爲題請入祀賢
宗適恭甫太史以畫像見示穆然如見其人因撮畧而爲
之讚乙酉上巳日

總督金匱孫文靖公題

陽城領生徒歸省一夕偕安定在蘇湖教授設兩齋誰云校
官卑人師實楷模茲邦耆亭舊道岸知有涯何年變風尚掃
地及槐街投閒不自重老物煩推排遂令華陽市五里皆霧

羅夫君洵挺立骨竪金剛柴冷官坐無氈敗壁篆涎蝸春風
拂蒼苔胡蝶飛上階我來不相值蹤跡參商乖猶欣睹遺像
白體無媚骸簡珠彫沙石處俗安能諧一卷治法論去疾除
根荑註義補齊魯粹精無可差俎豆賢人間鄭君六亭實其
簪清風起頑懦庶慰平生懷

曾學構李沈大宗師題現任工部侍郎安徽學政

布帛菽粟之文規矩準繩之器應變有餘者其才誨人不倦
者其志合經術事功氣節而歸於大醇繼榕村二希翠庭而
獨樹一幟卓爲君子之儒允協瞽宗之祭帳御李之無緣喜
析薪之克嗣瞻道貌之儼然願奉教諭語而請事

二勿齋文集

同里陳壽祺恭甫

淵然其神宥然其目闇然其容蕭然其服白縛一冠非藤非竹日手一編無寒無燥欽歔骨相胡不染彩凌煙嶽嶽丰神胡不校書天祿涵氣於靜而厭時趨味道之腴而啗食肉惟其有得於中故能徧種杞枏而甘餐苜蓿節槩勁於矢弦治術拯乎鞭扑此賢序之于城而荒年之菽粟宜其俎豆鄉閭如庚桑之尸祝

同里李彥章蘭卿

學己無不通而約守者四書之言才可大有爲而所傳者教諭之語論漳泉治法而天下郡縣可推辨古今人材而好學

力行是與何以信之効而言傳何以奉之祠於鄉賢昔刊

公書

彥華官粵西時嘗琴行先生所著教諭語

今拜

公像書則純然知其所存

像則粹然知其所養恨並世而未見焉雖欲從之將安放

光澤高樹然題

鄉賢侯官謝退谷先生道德文章作吾閩望祀舊矣樹然未
得見也心嚮往之嘉慶己卯先生已謝博士里居樹然亟郵
業請質屬先生寢疾強起作答有知君恨晚之語輒思裹糧
就先生而先生之訃續至矣此樹然所以恨失先生也比與
令嗣遊得拜先生遺像道容充粹可敬可親向之欲見不可
得者今不啻真見之焉私心自慰喜而作贊

二 勿齋文集

有閩鄉先正博士是徵世卑儒官錄錄先生爲之不以易公
卿纂教諭詰本身爲導協聖之經指遠而言近無智愚長幼
咸受裁成泉漳悍俗積百年不治著論思懲海外有荒足食
內郡乞調往營旣沒遺紀畧一編由臺取

可設官置廳制府趙公亦梓泉漳治法授吏曰惟先生是程
是先生功立言從宜百世祀居卑而榮拜瞻遺像如青天白
日咸仰清明清明可仰無從贊也吾以慰吾情

崇祀鄉賢事蹟錄

具呈福州府閩郡紳衿許冠瀛等爲學守儒宗德標士範
懇賜牒詳

竊維桑梓垂型教崇上

老瞽宗配饗禮
美伏見故安溪侯官謝金鑾成童志學孤露修名
勤味道腴覃思經訓以倫常日用爲力行以忠信好學爲
宗旨少蜚聲序壯隸賢書忘榮利於科名守儒官於學校
悅聖賢之訓如饑如渴敦名節之閑不淄不磷持直道以
培士氣發幽光以表女貞志在於激濁揚清風足以震聾
起聵教諭語施於弟子多布帛菽粟之言治法論布於泉

二勿齋文集

漳卽師保父兄之道纂瀛東之邑乘每思易俗防淫紀海外之蠻書竟驗設官經野靡特有關於風化亦將兼佐乎經猷况乎孝弟性天死生交誼乏春糧者隔宿無間菽水之歡侍藥餌者三年遂精岐黃之術恩同紀毓撫孤姪而忘劬勞義過朱暉爲故人而延似續任彥升之祿米半給親知徐孝穆之車裘恆資族黨憶杜陵之雅咏寒天而坐客無旣企衛武之遺徽耄學則束躬如璧洵足奮興夫志士允堪表率夫人倫宜升樽俎之香用作典型之式伏冀老師臺博容公論詳請明禮允洽儒林永揚風教爲此連名謹將事實開列上呈切呈

計開

一本宦姓謝諱金鑾字巨庭號退谷福建福州府侯官縣人以增廣生中式乾隆戊申科舉人辛酉大挑二等以教職用歷任邵武南靖嘉義南平安溪五學教諭嘉慶二十三年告病回籍生於乾隆二十二年五月初七日嘉慶二十五年四月初六日在籍病故

一本宦自束髮受書卽矢志聖賢奉行功過格比長喜讀宋儒書悅心性之學必躬踐而力行之不以訓詁詞章爲能事

一本宦父健亭諱正乾隆己卯舉人丙戌大挑一等分發